

EKLESIA ANGLIKANA AO AMIN'NY RANOMASIMBE INDIANA

EKLESIA EPISKOPALY MALAGASY

DIOSESY TOLIARA

LITORJIA VAVAKA MARAINA SY HARIVA ARY KOMINIONA MASINA

Mitombo mandroso ao amin'i Kristy

VAVAKA MARAINA SY HARIVA

1. HIRA FIDERANA (*Mitsangana*)

2. FIARAHABANA SY TENY FAMPIDIRANA (Fiarahabana araka izay heverin'ny mpitarika ho mety na araka ny fomba mahazatra azy avy: *akory aby, salama aby, sns...*)

(*Fiarahabana Apostolika ampiasaina raha tsy eo ny Presbytera*)

- a. Ministera : Ho amintsika anie ny fahasoavana sy ny fiadanana avy amin'Andriamanitra Raintsika sy Jesoa Kristy Tompo amin'ny alalan'ny Fanahy Masina.

Ny rehetra: Amena.

(*Na ity raha eo ny Presbytera na Eveka*)

- b. *Eveka/Presbytera*: Ho aminareo anie ny fahasoavan'i Jesoa Kristy Tompontosika sy ny fitiavan'Andriamanitra ary ny fampiraisana avy amin'ny Fanahy Masina.

Ny Rehetra : Ary homba ny fanahinao.

3. FIANTSOANA

(*Azo ampiasaina ireto teny manaraka ireto*)

(*Raha andavanandro*)

- a. Ministera: Derao ny Tompo

- b. **Ny Rehetra: Amena**

Na

- c. Ministera: Miderà ny Tompo fa tsara lzy

Ny Rehetra: Mandrakizay ny famindrampony.

Na

- c. Ministera: Fa na aiza na aiza no iangonan'ny roa na telo amin'ny Anarany.

Ny Rehetra: Eo afovoany ny Tompo

Na

- d. Ministera: Isaorana anie ny anaran'ny Tompo

Ny Rehetra: Hatramin'izao ka ho mandrakizay

Na

e. Ministera: Hatramin'ny fiposahan'ny masoandro ka hatramin'ny filentehany

Ny Rehetra: Hoderaina anie ny anaran'ny Tompo

(Amin'ny Krismasy)

f. Ministera: Mpamonjy no teraka ho antsika Haleloia. Haleloia. Haleloia.

Ny Rehetra: Amintsika Andriamanitra Haleloia. Haleloia. Haleloia.

Na

g. Ministera: Zaza no teraka ho antsika. Haleloia. Haleloia. Haleloia.

Rehetra: Zazalahy no nomeny antsika. Haleloia. Haleloia. Haleloia.

(Amin'ny PASKA)

h. Ministera: Efa nitsangana Izy. Haleloia! Haleloia! Haleloia!

Ny Rehetra: Efa nitsangana marina tokoa ny Tompo. Haleloia! Haleloia! Haleloia!

Na

i. Ministera: Velona ny Tompo! Haleloia! Haleloia! Haleloia!

Ny Rehetra: Velona marina tokoa Izy Haleloia! Haleloia! Haleloia!

(Amin'ny PENTEKOSTA)

j. Ministera: Raiso ny Fanahy Masina

Ny Rehetra: Isaorana anie ny Tompo.

Na

k. Ministera: Hoy ny Tompo, « Handrotsaka ny Fanahiko amin'ny nofo rehetra Aho »

Ny Rehetra: Aoka anie ho tonga aminay araka ny Teninao.

4. HIRA FIANTSOANA (*Azo atao ny Venite (Salamo 95,1-7) na hira hafa*)

Ny Rehetra : Avia, aoka isika hihoby ho an'i Jehovah: aoka isika hanao feo fifaliana ho an'ny Vatolampy famonjena antsika. Aoka hankeo anatrehany amin'ny fiderana isika: aoka hanao feo fifaliana ho Azy amin'ny fihirana isika. Fa Andriamanitra lehibe Jehovah; ary Mpanjaka lehibe ambonin'Andriamanitra rehetra Izy. Eo an-tanany ny fitoerana lalina amin'ny tany: ary Azy ny tendrombohitra avo. Azy ny ranomasina, fa Izy no nanao azy: ary ny tany maina dia noforonin'ny tanany. Avia, ka aoka hiondrika sy hiankohoka isika:

aoka isika handohalika eo anatrehan'i Jehovah, Mpanao antsika; Fa Izy no Andriamanit-sika: ary olona fiandriny sy ondry tandremany isika. Ho an'ny Ray, sy ny Zanaka: ary ny Fanahy Masina anie ny voninahitra. Tahaka ny hatramin'ny taloha sy ankehitriny: ary mandrakariva; ho mandrakizay, doria. Amena.

5. TENY FAMPANANTENANA

(Azo ifantenana ny iray na mihoatra amin'ireto teny fampanantenana ireto)

Ministera: Raha miaiky ny fahotantsika isika, dia mahatoky sy marina Izy, ka mamela ny fahotantsika sy manadio antsika ho afaka amin'ny tsy fahamarinana rehetra. *(I Jao.1,9)*

Na

Raha misy manota dia manana solovava ao amin'ny Ray isika, dia i Jesoa Kristy ilay marina, ary Izy no avotra noho ny fahotantsika.

Na

Raha ny ratsy fanahy miala amin'ny faharatsiana nataony, ka manao izay marina sy mahitsy dia hovelomina ny fanahiny.

Na

Tsaroako ny fahadisoako ary eo anatrehako mandrakariva ny fahotako.

Sy

KOA aoka isika hiaiky ny fahotantsika amin'ny fibebahana sy ny finoana, ka ho vonona hitandrina ny didin'Andriamanitra hiaina amin'ny fitiavana sy amin'ny fihavanana amin'ny olona rehetra.

6. FIFONANA *(Azo atao ny vavaka mangingina)* (Mandohalika)

Ny Rehetra : ANDRIAMANITRA Tsitoha ô, Rain'i Jesoa Kristy Tomponay, Mpanao ny zavatra rehetra ary mpitsara ny olona rehetra. Malahelo izahay ka miaiky ny fahotanay, sy ny helokay maro samihafa, izay efa nanoheranay Anao matetika, tamin'ny hevitra sy ny teny ary ny atao, ka nampirehitra ny fahatezeranao sy ny fahaviniranao marina taminay. Mi-beba ka marina tokoa izahay noho ireo haratsianay ireo, mampahory anay ny fahatsiarovanay azy, tsy zakanay ny fahavesarany, mamindrà fo aminay, mamindrà fo aminay, Ray

mamindra fo indrindra ô, mamelà ny heloka rehetra nataonay tamin'ny lasa, noho ny fiavianao an'i Jesoa Kristy Tomponay. Ary hatramin'izao, dia aoka izahay hanompo Anao mandrakariva amin'ny fitondran-tena ankasitrahanao, ho voninahitra sy lazan'ny Anaranao; amin'ny alàlan'i Jesoa Kristy Tomponay. **Amena.**

Ministera : Tompo mamindra fo ô, mifona aminao izahay, omeo ho an'ny olonao ny famelan-keloka sy ny fiadanana, mba ho voadio amin'ny fahotany rehetra izy, ka hanompo Anao amin'ny fieritreretana milamina tsara; amin'ny alalan'i Jesoa Kristy Tomponay.

Ny Rehetra: Amena

7. FAMELAN-KELOKA (Raha eo ny Presbytera/Eveka)

Presbytera/Eveka: ANDRIAMANITRA Tsitoha, Mpamela heloka izay rehetra mibebaka marina, hamindra fo aminareo anie Izy, hamela sy hanafaka anareo amin'ny helokareo rehetra, hanampy sy hanatanjaka anareo amin'ny fahatsarana rehetra ary hiaro anareo ho amin'ny fiainana mandrakizay.

Ny Rehetra: Amena

8. FIDERANA {Azo atao ny TE DEUM sy/na Hira hafa (araka ny vanim-potoana litorjia)} *(Mitsangana)*

Ny Rehetra: Midera anao izahay, Andriamanitra ô: manaiky Anao ho Tompo Izahay. Mitsaoka Anao ny tany rehetra: Ray mandrakizay. Midera Anao ny anjely rehetra: ny lanitra sy ny heriny rehetra. Midera anao amin'ny feo tsy mitsahatra: ny Kerobima sy ny Serafima hoe: Masina, Masina, Masina: Tompo Andriamanitry ny maro; Manerana ny lanitra sy ny tany: ny fiandrianan'ny Voninahitrao. Midera Anao: ny fivorian'ny Apostoly malaza. Midera Anao: ny fikambanan'ny Profeta tsara. Midera Anao: ny hamaroan'ny Martiora mitafy lamba fotsy. Manaiky anao ny Eklesia Masina: manerana izao tontolo izao; Ray manana fiandrianana: tsy hita lany; Ny Zanakao be voninahitra: sy marina ary lahy tokana. Ary ny Fanahy Masina: Izay Parakleto. Ianao no Mpanjakan'ny Voninahitra: Kristy ô! Ianao no zanaky ny Ray: mandrakizay. Raha vao haka ny fomban'olombelona hanavotana azy ianao: dia tsy nolavinao ny ho ao ambohoky ny virjina. Rehefa nandresy

ny fanindronan'ny fahafatesana ianao: dia novohanao ny Fanjakan'ny Lanitra hidiran'ny mino rehetra. Mipetraka eo an-kavanana'Andriamanitra ianao: ao amin'ny voninahitry ny Ray. Mino izahay fa ho avy ianao: ho mpitsara anay. Izany no ifonanay aminao, mba hanampiana ny mpanomponao: izay navotanao tamin'ny Ranao soa indrindra. Ataovy isan'ny Santanao izy: any amin'ny voninahitra mandrakizay. TOMPO ô, vonjeo ny olona: ary tahio ny lovanao. Manapaha azy: ary asandrato mandrakizay izy. Mankalaza Anao: isan'andro isan'andro izahay. Ary mitsaoka ny Anaranao: mandrakizay doria. Aoka ho sitrakao Tompo ô: hiaro anay anio tsy hanota. Mamindra fo aminay, Tompo ô : mamindra fo aminay. Tompo ô, aoka ny famindramponao hitoetra aminay: araka ny anantenanay Anao. Tompo ô, ianao no efa nitokiako: aoka aho tsy ho menatra mandrakizay.

9. KOLEKTA araka ny Andro

Ministera: Homba anareo anie ny Tompo

Ny Rehetra: Ary homba ny fanahinao

Ministera: Aoka isika hivavaka.

NY TENIN'ANDRIAMANITRA (Mipetraka)

(Alohan'ny famakiana teny)

Ny mpamaky teny : Ny Tenin'Andriamanitra avy amin'ny Testamenta Taloha/Vaovao dia nalaina avy amin'ny... toko faha... miantomboka amin'ny andininy faha... hatramin'ny...

(Aorian'ny famakiana teny)

Mpamaky teny : Izany no Tenin'ny Tompo.

Ny Rehetra: Isaorana anie Andriamanitra

10. TESTAMENTA TALOHA

11. SALAMO *(Hiraina na tononina(mifamaly/miaraka) na vakina)* **NA HIRA**

12. TESTAMENTA VAOVAO (Epistily na Filazantsara)

13. AZO ATAO NY HIRA MIALOHA NY TORITENY

14. TORITENY *(Mitsangana ny olona rehetra.)*

Mpitoriteny: (Atao aloha sy aorian'ny toriteny) Amin'ny Anaran'ny Ray sy Zanaka ary ny Fanahy Masina

Ny Rehetra: Amena.

Na Vavaka

15. FISAINTSAINANA NY TORITENY NA HIRA

16. FOTOPINOANA APOSTOLIKA

Ny Rehetra: IZAHO mino an'Andriamanitra, Ray Tsitoha, Mpanao ny lanitra sy ny tany; Ary an'i Jesoa Kristy Zanany Lahy tokana Tompontosika, Izay notorontoronina tamin'ny herin'ny Fanahy Masina. Naterak'i Maria Virjina. Nijaly tamin'ny nanapahan'i Pontio Pilato. Nohomboana tamin'ny Hazo fijaliana, dia maty, ka nalevina; nidina tany amin'ny fiainantsy hita; ary nony tamin'ny andro fahatelo dia nitsangana tamin'ny maty. Dia niakatra any an-danitra. Ary nipetraka eo an-kavanan'Andriamanitra Ray Tsitoha. Ary avy any no hivianany indray hitsara ny velona sy ny maty. Izaho mino ny Fanahy Masina, Ny Eklesia Masina Katolika; Ny fiombonan'ny Santa; Ny famelan-keloka; Ny fitsanganan'ny tena amin'ny maty, ary ny fiainana mandrakizay. Amena.

17. TONOM-BAVAKA

Ministera: Mangataha dia homena ianareo; mitadiava dia hahita ianareo; dondòny dia hohohana ianareo. (Mat.7, 7)

(Sehatry ny tonom-bavaka)

Azo atao ity:

a) Mihainoa anay Tompo tsara ô.

Na

b) Ray ô Mpamindra fo lanao, mpamela helokay mba raiso re ny vavakay.

Na

c) Tompo ô, henoy 'zahay; miantso Anao mba ekeo ny vavakay; Mitalaho.

Na

d) Henoy ny feonay mankany aminao ry Tompo ô sy ny vavakay ry Tompo ô.

Na

e) Mitombo Mandroso ao amin'i Kristy

Na

f) Mivavaka ho anao Aho. Izaho no Tompo, mivavaka ho anao Aho Sarobidy Amiko, mivavaka ho anao Aho.

(Azo isafidianana : A na B)

A. Vavaka tora-po

Ohatra: Vavaka ho an'ny:

Fifandraisan'ny Diosesy Toliara sy ireo mpiara miombon'antoka

Mpiasa rehetra eto amin'ny Diosesy

Departemanta rehetra (Ara-bola, Fifandraisana, Fitoriana Filazantsara, Fampanandroso-
ana, Fanabeazana, Fanorenana) eto amin'ny Diosesy.....

Fiangonana sy ireo mpitondra rehetra

Fanjakana

Marary

Malahelo sns. Sns...

Na

B. Vavaka ho an'ny Eklesian'i Kristy

Ministera: Aoka isika hivavaka

ANDRIAMANITRA Tsitoha sy mandrakizay ô, ny tenin'Apostolinao masina no efa
nampianaranao anay hanao fangatahana sy fivavahana ary fisaorana ho an'ny olona rehe-
tra. Koa mangataka aminao izahay, mba raiso amin'ny famindramponao lehibe izao vavaka
izao izay hataonay eto anatrehanao.

Ary velomy lalandava eo amin'ny Eklesia Katolika ny fanahin'ny fahamarinana sy ny firai-
sana ary ny fifankatiavana. Ary aoka izay rehetra manaiky ny Anaranao masina hiray saina
ny amin'ny teninao masina ary hifankatia tsara.

Ary mangataka aminao koa izahay, arovy ny mpanapaka kristiana rehetra, ary aoka ny Mpa-
nolo-tsaina azy rehetra sy izay rehetra manam-pahefana hitsara marina, fa tsy hiangatra ka
hanafay ny ratsy fanahy ary hanohana ny fivavahana marina aminao sy ny hatsaram-pa-
nahy.

Omeo fahasoavana, Ray any an-danitra ô, ny Eveka sy ny Klerje rehetra, hanehoany ny teninao marina sady velona amin'ny fitondran-tenany sy ny fampianarany, ary hanolorany araka izay mety ho Sakramentanao Masina.

Ary omeo ny fahasoavanao avy any an-danitra ny olonao rehetra, indrindra fa izay tafangona eto, mba handraisany ny Teninao Masina amin'ny fo manetry tena sy amim-pajana tsara, ka hanompoany anao tokoa amin'ny andro rehetra hiainany.

Ary mangataka aminao izahay, Tompo ô, mba ampionony sy vonjeo amin'ny fahatsaranao izay rehetra zoim-pahoriana, na malahelo, na mahantra, na marary, na tra-doza hafa amin'izao fiainana mandalo izao.

Ary koa isaoranay ny Anaranao masina noho ny mpanomponao rehetra izay efa nodimandry tamin'ny finoana sy ny fahatahorana Anao, sady mangataka fahasoavana aminao izahay hanarahanay ny diany tsara, mba hiarahanay handova ny fanjakanao any an-danitra. Tante-raho izany, Ray ô, noho ny fitiavana an'i Jesoa Kristy Mpanalalana sy Mpisolovava anay.

Amena.

18. VAVAKA NAMPIANARIN'NY TOMPO. (Azo hiraina na tononina)

Ministera: Araka ny nampianarin'ny Mpamonjy antsika dia hivavaka isika hoe:

Ny Rehetra: Ry Rainay any an-danitra ô, Hohamasinina anie ny Anaranao, Ho tonga anie ny Fanjakanao, Hatao anie ny sitraponao eto an-tany tahaka ny any an-danitra. Omeo anay anio ny hanina sahaza ho anay. Avelao ny helokay, tahaka ny amelanay izay meloka taminay. Aza avela ho azon'ny fakam-panahy izahay, fa manafaha anay amin'ilay ratsy : Anao ny Fanjakana sy ny hery, Anao ny voninahitra mandrakizay. Amena.

19. FIFANOLORAM-PIADANANA:

Ministera: TENAN'i Kristy isika, tamin'ny Fanahy iray no nanaovana Batisa antsika ho amin'ny tena iray, aoka isika hitady izay hisian'ny fiadanana sy izay hahatsara ny fiaraha-miaina.

Na

Ministera: HENOY ny tenin'i Jesoa Kristy Tompontsika: Didy vaovao no homeko anareo, dia ny mba hifankatiavanareo, eny, aoka ho tahaka ny hitiavako anareo no mba hifankatiavanareo kosa, Izany no hahafantaran'ny olona fa mpianatro ianareo raha mifankatia.

Na

Ministera: Ry malala, aoka hifankatia isika, fa avy amin'Andriamanitra ny fitiavana.

Sy

Ministera: Homba anareo anie ny Tompo.

Ny Rehetra: Ary homba ny Fanahinao

(AZO ISAFIDIANANA: A na B)

A. (Mifandray tanana ny rehetra ka manao iray amin'ireto hira manaraka ireto)

Hira 169 and.6

Ry Trinite isaorana

Mba ampidino aminay

Firaisam-pihavanana

Mba hifankatiavanay. Amena

Na

(Homba anareo anie ny fiadanan'ny Tompo; shalom, shalom, shalom)2*

(Fiadanan'ny Tompo)2* Homba anareo anie ny fiadanan'ny Tompo; shalom, shalom, shalom).

(Homba anareo anie ny fitiavan'ny Tompo; shalom, shalom, shalom.)2*

(Fitiavan'ny Tompo)2* Homba anareo anie ny fitiavan'ny Tompo; shalom, shalom, shalom.

Na

Namela fianarana ho antsika Jesoa ny amin'ny fitiavana

Fitiavana tsy mba manavakavaka e, fitiavana, fitiavana 2x

(Mifankatiava e) 8x

Na

Ampiraiso aminao izahay, mba hahazanay hifankatia fa izany no didinao Tompo ô, dia ny mba hifankatia. Tompo ô, (Tompo)Tompo ô. (Mpanjaka) Mpanjakanay ô; dia ny mba hifankatia.

Na

B. Mifampiarahaba ny rehetra ka manao hoe: Homba anao anie ny fiadanan'ny Tompo.

20. RAKITRA -Hira (*Rehefa tapitra ny fandatsahana na fitantazana rakitra dia azo atao ny Hira Fanolorana 194BF-and.1*)

a) Izay atolotray, Anao ry Tompo ô

Dia tsy anay re, fa Anao.

Ka indro raiso 'zao. Amena

Na

b) HIRA 334 BF-and.3

Dia raiso e, ry Tompo ô,

Ny asanay izao,

Mba ahazoan'ny olonao

Ny fitahianao. Amen.

Na

c) Fanomezam-pahasoavana

Hanandratra Anao aho, ho voninahitrao

Manome Anao ny zavatra rehetra

Hanandratra Anao aho, ho voninahitrao

Na

d) HIRA 249-and.3

Raiso ny Fahaizako

Ento mba hanaja Anao

Raiso koa ny volako

Ho Anao tokoa izao

Na

e) Ministera: Fa avy aminao Tompo ô ny zavatra rehetra.

Ny Rehetra: Ary avy tamin'ny Anao ihany no nanomezanay Anao

21. FIVAVAHAN'I KRYSTOSTOMA

Ministera: ANDRIAMANITRA Tsitoha ô, lanao efa nanome fahasoavana anay hiraisanay saina hangataka aminao ankehitriny izao; lanao manaiky hanome izay angatahin'ny roa na telo miangona amin'ny Anaranao. Tanteraho amin'izao Tompo ô, ny angatahinay mpanomponao, araka izay antonony ho anay; ampahalalao ny fahamarinanao izahay amin'izao fiainana izao, ary amin'ny ho avy omeo fiainana mandrakizay. Amena.

22. TSO-DRANO (Raha tsy eo ny Presbytera/Eveka)

Ministera: Homba anareo anie ny Tompo

Ny Rehetra: Ary homba ny Fanahinao

Ministera: Ny fahasoavana anie ho amin'izay rehetra tia an'Andriamanitra Ray, Zanaka sy Fanahy Masina amin'ny fitiavana tsy mety levona.(Efes.6,24)

Ny Rehetra: Amen

Na (Miara manonona ny Tso-drano)

Ny fahasoavan'i Jesoa Kristy Tompontosika sy ny fitiavan'Andriamanitra ary ny fampiraisana avy amin'ny Fanahy Masina ho amintsika rehetra anie mandrakizay. Amena.

(Raha eo ny Presbytera/Eveka)

Presbytera/Eveka: Ny fiadanan'Andriamanitra izay mihoatra noho ny fahalalana rehetra, hiaro ny fonareo sy hevitrareo ao amin'ny fahendrena sy fitiavana an'Andriamanitra sy Jesoa Kristy Tompontosika. (Fil.4,7)

Na

Presbytera/Eveka: Hampampiratra ny tavany aminareo anie ny Tompo ka hamindra fo aminareo; hanandratra ny tavany aminareo anie ny Tompo ka hanome anareo ny fiadanana.(Nom.6,24)

Sy

Ary ny fitahian'Andriamanitra Tsitoha, Ray sy Zanaka ary Fanahy Masina, ho aminareo anie, ary hitoetra aminareo mandrakariva.

Ny Rehetra: Amena.

23. FANIRAHANA

a) Ministera: Mandehana amin'ny fiadanana ary manompoa ny Tompo.

Ny Rehetra: Amin'ny anaran'i Kristy. Amen

Na

b) Ministera: Koa mandehana ianareo ataovy mpianatra ny firenena rehetra (*Mat. 28, 19-20*)

Ny Rehetra: Inty aho, iraho aho.

Na

c) Ministera: Mandehana any amin'izao tontolo izao ianareo ka mitoria ny Filazantsara amin'ny olombelona rehetra. (*Marka 16, 15*)

Ny Rehetra: Andao isika hitombo, handroso ao amin'i Kristy.

(Azo ampiasaina ireto teny manaraka ireto)

(Amin'ny PASKA)

d) Ministera: Efa nitsangana Izy. Haleloia! Haleloia! Haleloia!

Ny Rehetra: Efa nitsangana marina tokoa ny Tompo. Haleloia! Haleloia! Haleloia!

Na

e) Ministera: Velona ny Tompo! Haleloia! Haleloia! Haleloia!

Ny Rehetra: Velona marina tokoa Izy Haleloia! Haleloia! Haleloia!

(Amin'ny Krismasy)

f) Eveka/Presbytera: Mpamonjy no teraka ho antsika Haleloia! Haleloia! Haleloia

Ny Rehetra: Amintsika Andriamanitra Haleloia! Haleloia! Haleloia!

Na

g) Eveka/Presbytera: Zaza no teraka ho antsika. Haleloia! Haleloia! Haleloia!

Ny Rehetra: Zazalahy no nomeny antsika. Haleloia! Haleloia! Haleloia!

(Amin'ny Pentekosta)

LITORJIA KOMINIONA MASINA

Aho.»

Ny Rehetra: Aoka anie ho tonga aminay araka ny Teninao.

24.FILAZAN-DRAHARAHAN

25.HIRA FAMARANANA

1. HIRA FIDERANA

2. FIARAHABANA SY TENY FAMPIDIRANA (Fiarahabana araka izay heverin'ny Mpitarika ho mety na araka ny fomba mahazatra azy avy: *akory aby, salama aby, sns...*)

3. FIANTSOANA (*Azo ampiasaina ireto teny manaraka ireto*)
(*Raha Andavanandro*)

a) Eveka/Presbytera: Derao ny Tompo

Ny Rehetra: Amena

Na

b) Eveka/Presbytera: Miderà ny Tompo fa tsara Izy

Ny Rehetra: Mandrakizay ny famindrampony

Na

c) Eveka/Presbytera: Fa na aiza na aiza no iangonan'ny roa na telo amin'ny Anarany

Ny Rehetra: Eo afovoany ny Tompo

Na

d) Eveka/Presbytera: Isaorana anie ny Anaran'ny Tompo

Ny Rehetra: Hatramin'izao ka ho mandrakizay

Na

e) Eveka/Presbytera: Hatramin'ny fiposahan'ny masoandro ka hatramin'ny filentehany

Ny Rehetra: Hoderaina anie ny anaran'ny Tompo

(*Amin'ny Krismasy*)

f) Eveka/Presbytera: Mpamonjy no teraka ho antsika Haleloia! Haleloia! Haleloia

Ny Rehetra: Amintsika Andriamanitra Haleloia! Haleloia! Haleloia!

Na

g) Eveka/Presbytera: Zaza no teraka ho antsika. Haleloia! Haleloia! Haleloia!

Ny Rehetra: Zazalahy no nomeny antsika. Haleloia! Haleloia! Haleloia!

(Amin'ny Paska)

h) Eveka/Presbytera: Efa nitsangana Izy. Haleloia! Haleloia! Haleloia!

Ny Rehetra: Efa nitsangana marina tokoa ny Tompo. Haleloia! Haleloia! Haleloia!

Na

i) Eveka/Presbytera: Velona ny Tompo! Haleloia! Haleloia! Haleloia!

Ny Rehetra: Velona marina tokoa Izy Haleloia! Haleloia! Haleloia!

(Amin'ny Pentekosta)

j) Eveka/Presbytera: Raiso ny Fanahy Masina

Ny Rehetra: Isaorana anie ny Tompo

Na

k) Eveka/Presbytera: Handrotsaka ny Fanahiko amin'ny nofo rehetra Aho

Ny Rehetra: Aoka anie ho tonga aminay araka ny Tenina

4. Eveka/Presbytera: Ho aminareo rehetra anie ny fahasoavan' i Jesoa Kristy Tom-pontsika sy ny fitiavan' Andriamanitra ary ny fmpiraisana avy amin 'ny Fanahy Masina.

Ny Rehetra: Ary homba ny Fanahinao.

5. Eveka/Presbytera: Aoka isika hiomana amin' izao fanaovana sy fankalazana ny Eokarista Masina izao.

(Mandohalika)

Ny Rehetra: ANDRIAMANITRA mamindra fo ô; atongilano amin'ny famindram-ponao ny sofinao ka henoy ny fitarainanay ary hazavao amin'ny Fanahy Masina ny fonay mba hahazoanay manolotra izao zava-miafina Masina sy Lehibe izao ;

ary aoka ho tia Azy amin'ny fitiavana mandrakizay izahay.

Na

Ny Rehetra: ANDRIAMANITRA Tsitoha ô, ny fon'ny olona rehetra dia miharihary Aminao ny faniriany rehetra dia fantatrao ary tsy misy miafina Aminao. Diovy amin'ny fanoloran-tsain'ny Fanahinao Masina ny hevitra ny fonay mba ho tia Anao tokoa izahay ary hankalaza ny Anaranao Masina araka izay mety amin'ny alalan'I Kristy Tomponay . Amena.

6. DIDY FOLO (*amin' ny vanim- potoana adventa sy fotoam-pifadiana*).

7. NY KYRIE: Tompo ô, mamindra fo aminay (3x)

Kristy ô, mamindra fo aminay (3x)

Tompo ô, mamindra fo aminay (3x)

8. FIEKEN-KELOKA

(Azo ifantenana ny iray na mihoatra amin'ireto teny fampiononana ireto)

Eveka/Presbytera: Hoy ny TOMPO, MANKANESA aty Amiko ianareo rehetra izay mi-asa fatratra sy mavesatra entana, fa Izaho hanome anareo fitsaharana.

Na

Toy izao no nitiavan'Andriamanitra an'izao tontolo izao, nomeny ny zanany Lahitokana, mba tsy ho very zay rehetra mino Azy fa hanana ny fiainana mandrakizay.

Na

Mahatoky ka tokony hekena amin'ny fankasitrahana rehetra izao teny izao: tonga tety ambonin'ny tany i Kristy Jesoa hamonjy ny mpanota.

Na

Raha misy manota dia manana solovava ao amin'ny Ray isika, dia i Jesoa Kristy ilay marina, ary Izy no avotra noho ny fahotantsika.

Na

Raha ny ratsy fanahy miala amin'ny faharatsiana nataony, ka manao izay marina sy mahitsy dia hovelomina ny fanahiny.

Na

Tsaroako ny fahadisoako ary eo anatrehako mandrakariva ny fahotako.

Sy

KOA aoka isika hiaiky ny fahotantsika amin'ny fibebahana sy ny finoana, ka ho vonona hitandrina ny didin'Andriamanitra hiaina amin'ny fitiavana sy amin'ny fiavianana amin'ny olona rehetra.

9. FIFONANA

Ny Rehetra: (*mandohalika*)

ANDRIAMANITRA Tsitoha o, Rain'i Jesoa Krsty Tomponay mpanao ny zavatra rehetra ary mpitsara ny olona rehetra. Malahelo izahay ka miaiky ny fahotanay sy ny helokay maro samihafa izay efa nanoheranay Anao matetika, tamin'ny hevitra sy ny teny ary ny atao ka nampirehitra ny fahatezeranao sy ny fahaviniranao marina taminay. Mibebaka marina tokoa izahay noho ireo haratsianay ireo, mam-pahory anay ny fahatsiarovanay azy, tsy zakanay ny fahavesarany , mamindra fo aminay, mamindra fo aminay , Ray mamindra fo indrindra o , mamela ny helokay rehetra nataonay tamin'ny lasa noho ny fitiavanao an'i Jesoa Kristy Tomponay. Ary hatramin'izao dia aoka izahay hanompo Anao mandrakariva amin 'ny fitondran-tena ankasitrahanao ho voninahitra sy Lazan'ny Anaranao amin'ny alalan'i Jesoa Kristy Tomponay. Amena

10. FAMELAN-KELOKA

Eveka/Presbytera: ANDRIAMANITRA Tsitoha, Mpamela heloka izay rehetra mibebaka marina, hamindra fo aminareo anie Izy, hamela sy hanafaka anareo amin'ny helokareo rehetra, hanampy sy hanatanjaka anareo amin'ny fahatsarana rehetra, ary hiaro anareo amin'ny fiainana mandrakizay. Amena

11. GLORIA sy/na HIRA FIDERANA (*araka ny vanim-potoana*).

Ny Rehetra: VONINAHITRA ho an'Andriamanitra any amin'ny Avo indrindra, Ary fiadanana ho ambonin'ny tany, ary fankasitrahana ho an'ny olona anie, Midera Anao izahay, Misaotra Anao izahay, Mitsaoka Anao izahay, Mankalaza Anao izahay, Misaotra Anao noho ny voninahitrao lehibe izahay, Andriamanitra Tompo ô, Mpanjaka any an-danitra. Andriamanitra Ray Tsitoha. Tompo ô, Jesoa Kristy, Zanaka Lahy tokana, Andriamanitra Tompo ô, Zanak'ondrin'Andriamanitra, Zanak'ny Ray. Izay manaisotra ny fahotan'izao tontolo izao, mamindra fo aminay. Ianao izay manaisotra ny fahotan'izao tontolo izao, mamindra fo aminay. Ianao izay manaisotra ny fahotan'izao tontolo izao, raiso ny fivavahanay. Ianao izay mipetraka eo ankavanan'Andriamanitra Ray, mamindra fo aminay. Ianao irery

ihany no Masina, Ianao ireny ihany no Tompo, Ianao ireny ihany no Kristy ô,
mbamin'ny Fanahy Masina no Avo indrindra amin'ny voninahitr'Andriamanitra
Ray. Amena.

12. NY KOLEKTA

Presbytera: Homba anareo anie ny Tompo

Ny Rehetra: Ary homba ny Fanahinao

Presbytera: Aoka isika hivavaka

NY TENIN'ANDRIAMANITRA(Mipetraka)

(Alohan'ny famakiana teny)

Ny mpamaky teny : Ny Tenin'Andriamanitra avy amin'ny Testamenta Taloha/Epis-
tily dia nalaina avy amin'ny... toko faha... miantomboka amin'ny andininy faha...
hatramin'ny...

(Aorian'ny famakiana teny)

Mpamaky teny : Izany no Tenin'ny Tompo.

Ny Rehetra: Isaorana anie Andriamanitra

13. TESTAMENTA TALOHA

14. SALAMO (*Hiraina na tononina(mifamaly/miaraka) na vakina*) **NA HIRA**

15. EPISTILY

16. HIRA (GRADOALY)

17. NY FILAZANTSARA MASINA

Ministera: Homba anareo anie ny Tompo

Ny Rehetra: Ary homba ny Fanahinao

Ministera: Ny Filazantsara Masina dia nalaina avy amin'ny Filazantsara araka
an'i..... amin'ny toko faha.....miantomboka amin'ny andinin'ny faha.....

Ny Rehetra: Voninahitra anie ho Anao ry Tompo ô

Na

Hira (Haleloia)

(Rehefa voavaky ny Filazantsara)

Ny Klergy: Izany no Filazantsara masin' i KRISTY.

Ny Rehetra: Isaorana anie lanao ry Tompo ô noho izany Filazantsaranao Masina izany.

Na

HIRA (Haleloia)

18. AZO ATAO NY HIRA MIALOHA NY TORITENY

19. TORITENY (*Mitsangana ny olona rehetra.*)

Mpitoriteny: (*Atao aloha sy aorian'ny Toriteny*) Amin'ny Anaran'ny Ray sy Zanaka ary ny Fanahy Masina

Ny Rehetra: Amena.

Na Vavaka

20. FISAINTSAINANA NY TORITENY NA HIRA

21. FOTO-PINOANA NIKEANA

Izaho mino an'Andriamanitra Tokana, Ray Tsitoha nahary ny lanitra sy ny tany, ary ny zavatra rehetra na ny hita na ny tsy hita.

Izaho mino an'i Jesoa Kristy Tompo tokana, Zanaka Lahy tokan'Andriamanitra. Teraky ny Rainy talohan'izao rehetra izao. Andriamanitra avy amin'Andriamanitra. Fahazavana avy amin'ny fahazavana, Andriamanitra marina avy amin'Andriamanitra marina, nateraka fa tsy natao, Miray fomba amin'ny Ray, Izy no nahariana izao rehetra izao. Nidina avy any an-danitra ho antsika olombelona sy ho famonjena antsika, ary tonga nofo tao amin'i Maria Virjina noho ny herin'ny Fanahy Masina, ka tonga olombelona. Nohomboana tamin'ny Hazo Fijaliana ho antsika tamin'ny andron'i Pontio Pilato, nijaly ary nalevina. Nitsangana velona tamin'ny andro fahatelo araka ny Soratra Masina, niakatra any an-danitra, nipetraka eo ankavanan'ny Ray, ary ho avy indray amim-boninahitra hitsara ny velona sy ny maty, ka tsy hanam-pahataperana ny fanjakany.

Izaho mino ny Fanahy Masina, Tompo sy Mpamelona, avy amin'ny Ray, itsaohana sy omem-boninahitra miaraka amin'ny Ray sy ny Zanaka, ary niteny tamin'ny vavan'ny Mpaminany,

Izaho mino ny Fiangonana iray Masina manerana izao rehetra izao, araka ny fanorenan'ny Apostoly, Izaho manaiky ny Batisa iray ho famelan-keloka, ary miandry ny fitsanganan'ny maty sy ny fiainana ho avy. Amen.

22. TONOM-BAVAKA

Ministera: Mangataha dia homena ianareo; mitadiava dia hahita ianareo; dondòny dia hovohana ianareo. (Mat.7, 7)

(Sehatry ny tonom-bavaka)

Azo atao ity:

g) Mihainoa anay Tompo tsara ô.

Na

h) Ray ô Mpamindra fo lanao, mpamela helokay mba raiso re ny vavakay.

Na

i) Tompo ô, henoy 'zahay; miantso Anao mba ekeo ny vavakay; Mitalaho.

Na

j) Henoy ny feonay mankany aminao ry Tompo ô sy ny vavakay ry Tompo ô.

Na

k) Mitombo Mandroso ao amin'i Kristy.

Na

l) Mivavaka ho anao Aho. Izaho no Tompo, mivavaka ho anao Aho Sarobidy Amiko, mivavaka ho anao Aho.

(Azo isafidianana : A na B)

C. Vavaka tora-po

Ohatra: Vavaka ho an'ny:

Fifandraisan'ny Diosesy Toliara sy ireo mpiara miombon'antoka

Mpiasa rehetra eto amin'ny Diosesy

Departemanta rehetra (Ara-bola, Fifandraisana, Fitoriana Filazantsara, Fam-pandrosoana, Fanabeazana, Fanorenana) eto amin'ny Diosesy.....

Fiangonana sy ireo mpitondra rehetra

Fanjakana

Marary

Malahelo sns. Sns...

Na

D. Vavaka ho an'ny Eklesian'i Kristy

Ministera: Aoka isika hivavaka

ANDRIAMANITRA Tsitoha sy mandrakizay ô, ny tenin'Apostolinao masina no efa nampianaranao anay hanao fangatahana sy fivavahana ary fisaorana ho an'ny olona rehetra. Koa mangataka aminao izahay, mba raiso amin'ny famindramponao lehibe izao vavaka izao izay hataonay eto anatrehanao.

Ary velomy lalandava eo amin' ny Eklesia Katolika ny fanahin'ny fahamarinana sy ny firaisana ary ny fifankatiavana. Ary aoka izay rehetra manaiky ny Anaranao masina hiray saina ny amin'ny teninao masina ary hifankatia tsara.

Ary mangataka aminao koa izahay, arovy ny mpanapaka kristiana rehetra, ary aoka ny Mpanolo-tsaina azy rehetra sy izay rehetra manam-pahefana hitsara marina, fa tsy hiangatra, ka hanafay ny ratsy fanahy ary hanohana ny fivavahana marina aminao sy ny hatsaram-panahy.

Omeo fahasoavana, Ray any andanitra ô, ny Eveka sy ny Klerje rehetra, hanehoany ny teninao marina sady velona amin'ny fitondran-tenany sy ny fampianarany ary, hanolorany araka izay mety ho Sakramentanao Masina.

Ary omeo ny fahasoavanao avy any an-danitra ny olona rehetra, indrindra fa izay tafangona eto, mba handraisany ny Teninao Masina amin'ny fo manetry tena sy amim-panajana tsara, ka hanompoany anao tokoa amin'ny andro rehetra hiainany.

Ary mangataka aminao izahay, Tompo ô, mba ampionony sy vonjeo amin'ny fahatsaranao izay rehetra zoim-pahoriana, na malahelo, na mahantra, na marary, na tra-doza hafa amin'izao fiainana mandalo izao.

Ary koa isaoranay ny Anaranao masina noho ny mpanomponao rehetra izay efa nodimandry tamin'ny finoana sy ny fahatahorana Anao, sady mangataka fahasoavana aminao izahay hanarahanay ny diany tsara, mba hiarahanay aminy koa handova ny fanjakanao any an-danitra. Tanteraho izany, Ray ô, noho ny fitiavanao an'i Jesoa Kristy Mpanalalana sy Mpisolovava anay. Amena.

23. FIFANOLORAM-PIADANANA

Eveka/Presbytera:

TENAN'i Kristy isika, tamin'ny Fanahy iray no nanaovana Batisa antsika ho amin'ny tena iray, aoka isika hitady izay hisian'ny fiadanana sy izay hahatsara ny fiarahamaina.

Na

HENOY ny tenin'i Jesoa Kristy Tompontsika: Didy vaovao no homeko anareo, dia ny mba hifankatiavanareo, eny, aoka ho tahaka ny hitiavako anareo no mba hifankatiavanareo kosa, Izany no hahafantaran'ny olona fa mpianatro ianareo raha mifankatia.

Na

Ry malala, aoka hifankatia isika, fa avy amin'Andriamanitra ny fitiavana.

Sy

Homba anareo anie ny Tompo.

Ny Rehetra: Ary homba ny Fanahinao

(AZO ISAFIDIANANA: A na B)

A. (Mifandray tanana ny rehetra ka manao iray amin'ireto hira manaraka ireto)

HIRA 169 and 6:

Ry Trinite isaorana

Mba hampidino aminay

Firaisam-pihavanana

Mba hifankatiavanay. Amena

Na

Homba anareo anie ny fiadanan'ny Tompo; shalom, shalom, shalom (2*)

(Fiadanan'ny Tompo)2* Homba anareo anie ny fiadanan'ny Tompo; shalom, shalom, shalom.

(Homba anareo anie ny fitiavan'ny Tompo; shalom, shalom, shalom.)2*

(Fitiavan'ny Tompo)2* Homba anareo anie fitiavan'ny Tompo; shalom, shalom, shalom.

Na

Namela fianarana ho antsika i Jesoa ny amin'ny fitiavana

Fitiavana tsy mba manavakavaka e, fitiavana, fitiavana 2x

(Mifankatiave e) 8x

Na

Ampiraiso aminao izahay, mba hahazanay hifankatia fa izany no didinao Tompo ô, dia ny mba hifankatia. Tompo ô, (Tompo)Tompo ô. (Mpanjaka) Mpanjakanay ô; dia ny mba hifankatia.

Na

B. Mifampiarahaba ny rehetra ka manao hoe: **Homba anao anie ny fiadanan'ny Tompo.**

FISAORANA LEHIBE

24. HIRA RAKITRA

25. NY FANOLORANA

Presbytera: (Rehefa tonga eo am-pelatanany ireo fanomezana nataon'ny Mpian-gona)

- a) RY TOMPO Andriamanitra nahary izao rehetra izao ô, Isaorana lanao, Ny fahatsaranao no anananay izao harena atolotray Anao izao. Fa nomenao anay ny fahaizana samihafa izay nahomby sy niasaranay. Raiso ny tenanay mba hanatanterahana ny asa anirahanao anay eto amin'izao fiainana izao.

Na

- b) Ry Tompo ô, mangataka Aminao izahay mba handray ity Fanatitra ity; izay atolotray mpanomponao manetry tena sy torotoro fo mba hankasitrahana eo imasonao.

Ny Rehetra: Isaorana mandrakariva sy mandrakizay anie Andriamanitra.

Na

c) **Ministera:** Fa avy aminao Tompo ô ny zavatra rehetra.

Ny Rehetra: Ary avy tamin'ny Anao ihany no nanomezanay Anao

Na

d) **HIRA 334 BF-and.3**

Dia raiso e, ry Tompo ô,

Ny asanay izao,

Mba ahazoan'ny olonao

Ny fitahianao. Amen.

Na

e) *HIRA 194BF. and.1*

Izay atolotray,

Anao ry Tompo ô

Dia tsy anay re, fa Anao.

Ka indro raiso 'zao. Amena

Na

f) **Fanomezam-pahasoavana**

Hanandratra Anao aho, ho voninahitrao

Manome Anao ny zavatra rehetra

Hanandratra Anao aho, ho voninahitrao

Na

g) **HIRA 249-and.3**

Raiso ny Fahaizako

Ento mba hanaja Anao

Raiso koa ny volako

Ho Anao tokoa izao

Eveka/Presbytera :(*Rehefa raisiny ny mofo*)

- a) RY TOMPO Andriamanitra nahary izao rehetra izao ô! Isaorana lanao, ny fahatsaranao no anananay izao Mofo atolotray Anao izao, vokatry ny tany Izy sady niasaran'ny tanan'olombelona; ho tonga Mofon'ny fiainana ho anay izy.

Na

- b) Rainay any an-danitra ô; raiso ity Mofo ity atolotray Anao ho voninahitry ny Anaranao; ary mba hahazoan'ny olona kristiana rehetra na izay mbola velona eto ambonin'ny tany na izay efa lasa nodimandry tao amin'i KRISTY ny Famonjena mandrakizay.

Ny Rehetra: Isaorana mandrakariva sy mandrakizay anie Andriamanitra.

Na

- c) **HIRA 334BF-and.1**

Ry Rainay ao an-danitra ô

Atolotray Anao

Ny mofo izay voavoatra

Ho voninahitrao. Amena

Eveka/Presbytera: (*Rehefa raisiny ny Divay*)

- a) Ry TOMPO Andriamanitra nahary izao rehetra izao o, Isaorana lanao. Ny fahatsaranao no anananay izao Divay hatolotray Anao izao, vokatry voaloboka izy sady niasaran'ny tanan'olombelona, ho tonga Kapoaky ny famonjena ho anay izy.

Na

- b) Ry Tompo ô, atolotray Anao ity Kapoaky ny famonjena ity ho Fanatitra tianao sy ankasitrahanao mba hampandrosoana ny famonjena izao tontolo izao.

Ny Rehetra: Isaorana mandrakariva sy mandrakizay anie Andriamanitra.

Na

c) HIRA 334 BF and.2

Eo amin'ny Alitaranao

No ametrahanay

Izao ilay kapoaky

Ny famonjena anay. Amena

26. NY VAVAKA FISAORANA

Eveka/Presbytera: Homba anareo anie ny Tompo

Ny Rehetra: Ary homba ny Fanahinao

Eveka/Presbytera: Asandrato ny fonareo

Ny Rehetra: Asandratray amin'ny Tompo ny fonay

Eveka/Presbytera: Aoka isika hisaotra an'Andriamanitra Tompontsika

Ny Rehetra: Mety sy tokony hatao izany

Eveka/Presbytera: METY dia mety sady tsara tokony hataonay indrindra, na rahoviana na rahoviana ary na aiza na aiza, Ray Masina Mpanjaka any an-danitra Andriamanitra Tsitoha sy mandrakizay o, ny misaotra sy midera Anao, amin'ny alalan'ny Zanakao malala indrindra.

Fa IZY no ilay Teninao velona, ary amin'ny alalany no naharianao ny zavatra rehetra sy naharianao anay araka ny endrikao. Izy no Mpamonjy nirahinao ho mpanavotra anay. Ny herin'ny Fanahy Masina no nahazoany nofo aman-dra ka niterahan'i Santa Maria Virjina Azy, Noho ny aminay no nanolorany ny tenany teo ambony Hazo fijaliana, ka nofoanany ny fahafatesana sy nahariharyny ny fitsanganana avy eo anivon'ny maty. Izany no nahatanterahany ny teti-pamonjena ka nahazoany ny va-hoaka Masina ho Anao. Nasandratrao ho eo amin'ny ankavananao any amin'ny Avo Izy, ka avy Aminy no nanirahanao ny Fanahinao Masina aminay.

Ary dia misaotra Anao ankehitriny izahay, noho...

Ary noho izany dia miara-misaotra sy mankalaza ny Anaranao malaza izahay, mbamin'ny Anjely sy ny Arkanjely ary ireo marobe any an-danitra, ka midera Anao mandrakariva hoe:

Ny Rehetra: MASINA, MASINA, MASINA, ny Tompo Andriamanitry ny fahefana sy ny hery, manerana ny lanitra sy ny tany ny voninahitrao ry Tompo avo indrindra o, Amena.

ISAORANA anie izay avy amin'ny Anaran'i Jehovah, HOSANA amin'ny avo indrindra.

27. VAVAKA FISAORANA 1 (mandohalika)

RAY any an-danitra ô, raiso ny fideranay amin'ny alalan'ny Zanakao Jesoa Kristy Mpamonjy anay, ary noho ny fanarahanay ny ohatra navelany sy noho ny fankatoavanay ny didiny, dia aoka ireto fanomezana ireto, dia ny Mofo sy ny Divay, mba ho tonga Tenany sy Rany, noho ny herin'ny Fanahinao.

Fa tamin' ilay alina namadihana Azy, dia nandray ny Mofo Izy, ary rehefa nisaotra Izy dia novakiany, ary nomeny ny mpianany ka nataony hoe: «Raiso, hano, Ity no Tenako izay homena ho anareo. Izao no ataovy ho fahatsiarovana Ahy».

Ary rehefa vita ny sakafo, dia nandray ny Kapoaka Izy, ary rehefa nisaotra Izy dia nomeny Azy, ka nataony hoe: « Misotroa amin'ity ianareo rehetra, fa Ity no Rako, dia ny amin'ny fanekena vaovao, izay halatsaka ho anareo sy ny maro ho famelan-ke-loka. Izao no ataovy ho fahatsiarovana Ahy, na rahoviana na rahoviana no misotro ianareo ».

Noho izany Ray any an-danitra ô, ataonay amin'ity Mofo ity sy amin'ity Kapoaka ity ny fahatsiarovana Azy; ankalazainay sy hambaranay ny fanatitra tanteraka nateriny indray mandeha teo amin'ny Hazo Fijaliana ny nitsanganany tamin'ny maty, ary ny niakarany any an-danitra, sady antenainay ny fiaviany indray amim-boninahitra. AOKA hambarantsika ampahibemaso ny zava-miafin'ny finoana:

Ny Rehetra: Efa maty i Kristy

Efa nitsangana tamin'ny maty i Kristy,

Mbola ho avy indray i Kristy.

RAY ô, raiso amin'ny alalan'ilay mpisoronabenay izao fanati-pisaorana sy fiderana izao; ary amin'izao fihinananay sy fisotroanay ireto fanomezanao Masina ireto eo anatrehan'ny fiandriananao, dia havaozy amin'ny Fanahinao izahay, velomy amin'ny fitiavanao, ary ampiraiso amin'ny tenan'ny Zanakao Jesoa Kristy Tomponay.

MIARAKA Aminy sy ao Aminy ary amin'ny alalany, noho ny herin'ny Fanahy Masina: ary miaraka amin'ireo rehetra mitsangana eo anatrehanao, na eto an-tany na any an-danitra, dia mitsaoka Anao izahay Ray Tsitoha ô, ka midera Anao amin'ny feo tsy mitsahatra hoe:

Ny Rehetra: NY saotra sy ny haja sy ny voninahitra ary ny hery anie ho Anao mandrakizay mandrakizay. Amena.

(Raha lany ny Mofo na Divay efa voahasina nefa mbola nisy tsy nandray, dia hana-masina hafa indray ny Presbytera ka hanao hoe: « Ray any an-danitra ô, ... Izaon'ny ataovy ho fahatsiarovana Ahy » raha ny Mofo no hamasinina, ary hoe: « Ary rehefa vita ny sakafo... ny fihaviany indray amim-boninahitra » raha ny Kapoaka no hamasinina).

28. VAVAKA FISAORANA 2 (mandohalika)

RAY ô, amin'ny alalan'i Jesoa Kristy Zanakao Tomponay, henoy izahay, ka raiso izao fanati-pisaorana sy fiderana izao, ary arotsahy aminay sy amin'ireto Mofo sy Divay ireto ny Fanahinao Masina ho tonga Tenany sy Rany ho anay izany.

TAMIN'ily alina namadihana Azy, dia nandray ny Mofo Izy, ary rehefa nisaotra Anao Izy dia novakiany ilay Mofo, nomeny ny mpianany ka hoy Izy: « Raiso, hano, Ity ny Tenako izay atolotra ho anareo, ataovy izao ho fahatsiarovana Ahy ».

ARY toy izany koa rehefa vita ny sakafo, dia nandray ny Kapoaka Izy, rehefa nisaotra Anao Izy, dia nomeny ny mpianany ka nataony hoe: « Misotroa amin'Ity ianareo rehetra fa Rako Ity, dia ny Ran'ny fanekena vaovao alatsaka ho anareo sy ny olombelona rehetra, ho famelan-keloka. Na rahoviana na rahoviana no misotro izany ianareo dia ataovy ho fahatsiarovana Ahy».

KOA noho izany Ray Masina indrindra ô, miaraka amin'ireto fanomezana avy Aminao ireto, dia mankalaza sy maneho etoana ilay fanatitra tokana sy lavorary naterin'i Jesoa Kristy Tomponay izahay vahoakanao, sy ny fitsanganany tamin'ny maty ary ny niakarany any amin'ny voninahitry ny lanitra.

HOBIO NY FANDRESEN'I KRISTY!

Ny Rehetra: Ny nahafatesanao no nandravanao ny fahafatesana, ny nitsanganao no namerenanao ny fiainana ho anay, AVIA ry Jesoa Tompo ô, tongava amim-boninahitra!

RY TOMPO Tsara indrindra ô, na dia tsy mendrika aza izahay, dia ao amin'ny Zanakao, ary rehefa mandray ny Tenany sy misotro ny Rany izahay, dia ataovy tena iray ao amin'ny vahoakanao rehetra, hatrizay, hatrizay ka ho mandrakizay.

MIANDRY ny fiavian'i Kristy amim-boninahitra sy ny famirapiratan'ny fanjakany izahay ka ataovy mitombo isan'andro amin'ny fanarahana Azy.

MIARAKA Aminy sy ao Aminy ary amin'ny alalany, noho ny herin'ny Fanahy Masina, dia hatolotra Anao ry Ray Tsitoha, ny haja sy ny voninahitra, hatramin'ny taloha sy ankehitriny, ary mandrakariva ho mandrakizay mandrakizay. Amena.

(Raha lany ny Mofo na ny Divay efa voamasina nefa mbola nisy tsy nandray, dia hanamasina hafa indray ny Presbytera ka hanao hoe: « Ray ô, amin'ny alalan'i ...ataovy Iza ho fahatsiarovana Ahy »- raha ny Mofo no hamasinina- ary hoe: « Ary toy izany koa rehefa vita ny sakafo... ary niakarany any amin'ny voninahitry ny lanitra »- raha ny Kapoaka no hamasinina.)

29. VAVAKA FISAORANA 3 (mandohalika)

ENY, Masina tokoa Ianao ry Tompo, Ianao ilay loharanon'ny fahamasinana rehetra. Mivavaka Aminao izahay. Arotsahy amin'ireto fanomezana ireto ny Fanahinao, mba hanamasina Azy ho Tena sy Ran'i Jesoa Kristy Tomponay.

TAMIN'ilay alina nanolorana Azy sy nanekeny an-tsitrapo hijaly sy ho faty, dia nandray ny Mofo Izy, ary rehefa nisaotra Anao Izy, dia novakiany ary nomeny ny mpianany, ka nataony hoe: «Raiso, hano, Ity ny Tenako izay homena ho anareo».

TOY izany koa, rehefa vita ny sakafo, dia nandray ny Kapoaka Izy, ary rehefa nisaotra Anao indray Izy, dia nomeny ny mpianany izany ka nataony hoe: « Misotroa amin'ity ianareo rehetra fa Kapoaky ny Rako Ity, dia ny Ran'ny fanekempihavanana vaovao sy maharitra mandrakizay, izay halatsaka ho anareo sy ny olombelona rehetra ho famelan-keloka. Iza no ataovy ho fahatsiarovana Ahy».

ISAKY ny mihinana ity Mofo ity sy misotro amin'ity Kapoaka ity isika, dia mankalaza ny zava-miafin'ny finoana.

Ny Rehetra: Mahatsiaro ny nahafatesanao izahay, ry Tompo tafatsangana, ary miandry ny fiavianao.

RAY ô, mahatsiaro ny nahafatesan'ny Zanakao sy ny nitsanganany tamin'ny maty izahay, ka manatitra Aminao ity Mofon'ny fiainana, sy ity Kapoaky ny famonjena ity; ary misaotra Anao noho ny nifidiananao anay hanao fanompoana eo anatrehanao. Ary dia mangataka Aminao amim-panetren-tena izahay izay mandray ny Tena sy ny Ran'i Kristy, mba ho tafakambana ho tena iray noho ny herin'ny Fanahy Masina.

TSAROVY Tompo ô, ny Fiangonanao manerana izao tontolo izao: Ampitomboy ao anatin'ny fitiavanao Izy miaraka amin'ny Evekanay sy ny Ministera rehetra ary ireo manana andraikitra amin'ny fiahiana ny vahoakanao.

TSAROVY koa ireo Kristiana namanay izay efa nodimandry tamin'ny fanantenana ny fananganana amin'ny maty, ary ireo rehetra efa nandao ity fiainana ity; raiso ao amin'ny fahazavan'ny fanatrehanao izy.

Ary ho anay, dia mangataka ny famindram-ponao izahay, mba hiarahanay mandova fiainana mandrakizay sy midera ary manome voninahitra Anao, miaraka amin'i Santa Maria Virjina, Renin'Andriamanitra, sy ireo Apostoly ary ny Santa rehetra izay nahatanteraka ny sitraponao, amin'ny alalan'i Jesoa Kristy Zanakao malala.

Amin'ny alalany sy miaraka Aminy ary ao Aminy amin'ny firaisan'ny Fanahy Masina, dia Anao Andriamanitra Ray Tsitoha, ny haja sy ny voninahitra mandrakizay doria. Amena.

(Raha lany ny Mofo na ny Divay efa voahasina nefa mbola misy tsy nandray, dia hanamasina hafa indray ny Presbytera ka hanao hoe: « Eny, masina tokoa...ity no tenako izay omena ho anareo » - raha ny Mofo no hamasinina- ary hoe: «Toy izany koa rehefa vita ny sakafo... izao no ataovy ho fahatsiarovana Ahy» - raha ny Kapoaka no hamasinina.)

30. VAVAKA FISAORANA 4 (mandohalika)

Voninahitra ho Anao, Andriamanitra Tsitoha. Rainay any an-danitra ô, noho ny famindramponao lehibe tamin'ny nanomezanao an'i Jesoa Kristy Zanakao lahy Tokana hiaritra fahafatesana tamin'ny Hazo fijaliana ho fanavotana anay; fa teo no nanaovany fanalamboady sy fanatitra ary onitra ampy sy tanteraka ary sahaza

noho ny fahotan'izao tontolo izao tamin'ny nanolorany ny tenany izay naterina indray mandeha; Ary koa nanendry ny fahatsiarovana ny nahafatesany soa indrindra Izy sady nandidy anay ao amin'ny Filazantsarany masina hampaharitra izany mandra-piaviny indray.

Tamin'ilay alina namadihana Azy dia nandray ny Mofo Izy; ary rehefa nisaotra Izy dia novakiany, ary nomeny ny mpianany, ka nataony hoe: Raiso, hano, ity no tenako Izay nomena ho anareo: izao no ataovy ho fahatsiarovana Ahy.

Ary toy izany koa rehefa vita ny sakafo dia nandray ny Kapoaka Izy; ary rehefa nisaotra Izy, dia nomeny azy, ka nataony hoe: Misotroa amin'ity ianareo rehetra fa Ity no Rako, dia ny amin'ny fanekena vaovao, izay halatsaka ho anareo sy ny maro ho famelan-keloka; izao no ataovy ho fahatsiarovana Ahy, na oviana na oviana no misotro ianareo.

Koa noho izany, Tompo Ray any an-danitra ô dia manatitra izao fanomezanao Masina izao izahay mpanomponao, ary manao eo anatrehanao ny fahatsiarovana nodidian'ny Zanakao hataonay ka mahatsiaro ny niaretany Masina sy ny nahafatesany soa sy ny nitsanganany mahery ary ny niakarany malaza; ary misaotra Anao tokoa izahay noho ny fanomezanao tsy hita isa izay azony ho anay noho izany.

Ary mifona aminao izahay, Ray mamindra fo ô, mihainoa anay, ary noho ny fahatsaranao dia aoka ny Teninao sy ny Fanahinao Masina no hitahiana sy hanamasinanao izao fanomezana izao, dia ny Mofo sy ny Divay, ho Tena sy Ran'ny Zanakao malala indrindra.

Ary maniry tokoa izahay mpanomponao. Ray mamindra fo ô, mba ho raisinao noho ny fahatsaranao izao fanati-piderana sy fisaorana izao. Ary mangataka Aminao ampanetren-tena izahay, aoka ny fahamendrehan'i Jesoa Kristy Zanakao sy ny nahafatesany ary ny fitokiany ny Rany, no hahazoanay sy ny Eklesiana ny famelana ny helokay sy ny fahasoavana rehetra vokatry ny nijaliany.

Ary mifona Aminao izahay, aoka anie izay rehetra mandray ity Komoniona Masina ity mba handray amim-pahamendrehana ny Tena sy ny Ra soan'i Kristy, ary ho feno ny fahasoavanao sy ny fitahiana avy any an-danitra ka hatao tena iray amin'i Kristy.

Ary dia aterinay sy atolotray amin'izao, Tompo ô, ny sainay sy ny fanahinay ary ny tenanay ho fanatitra mety sy masina ary velona. Ary na dia tsy mendrika hanatitra fanatitra Aminao akory aza izahay, noho ny helokay maro samihafa, mifona Aminao izahay, raiso amin'ny fankasitrahana ity fanompoana adidinay ity; koa aza mandanja

anay, fa mamela ny fahadisoanay: amin'ny alalan'i Jesoa Kristy Tomponay, izay omem-boninahitra sy laza amin'ny firaisan'ny Fanahy Masina, miaraka Aminao, Ray any an-danitra ô, mandrakizay mandrakizay.

Ny Rehetra: Amena.

31. Araka ny nampianarin'ny Mpamonjy antsika dia hivavaka isika hoe:

Ny Rehetra: Ry Rainay any an-danitra ô, Hohamasinina anie ny Anaranao; ho tonga anie ny fanjakanao, Hatao anie ny sitraponao: eto an-tany tahaka ny any an-danitra. Omeo anay anio ny hanina sahaza ho anay. Avelao ny helokay, tahaka ny hamelanay izay meloka taminay. Aza avela ho azon'ny fakam-panahy izahay: fa manafaha anay amin'ilay ratsy, fa Anao ny fanjakana sy ny hery, Anao ny voninahitra, mandrakizay, Amena.

FAMAKIANA NY MOFO

32. Eveka/Presbytera: VAKINTSIKA ity Mofa ity handraisantsika anjara amin'ny Tenan'i Kristy.

Ny Rehetra: ISIKA na dia maro aza dia tena iray ihany amin'i Kristy, satria Mofa iray ihany no ihinanantsika rehetra.

FIARAHA-MANDRAY

33. Fa ny nofoko no tena fihinana, ary ny Rako no tena fisotro; izay mihinana ny nofoko sy misotro ny Rako no mitoetra ao Amiko, ary Izaho kosa ao Aminy.

Na

MANATONA, ary raiso ny Tenan'i Jesoa Kristy Tompontosika, izay nomeny ho anareo, sy ny Rany izay nalatsany ho anareo . Ivelomy ao am-ponareo amin'ny finoana sy fisaorana Izy.

Ny Rehetra: Tompo mamindra fo ô, tsy dia matoky ny fahamarinanay izahay no sahy manatona ity latabatrao ity, fa ny famindramponao maro sy lehibe no itokianay.

Tsy mendrika izahay, na dia hihinana ny sombintsombiny latsaka avy amin'ny latabatrao akory aza; nefa lanao no Tompo mamindra fo mandrakariva. Ry Tompo be fahasoavana ô, aoka ny fihinananay ny Nofon'i Jesoa Kristy Zanakao malala sy ny fisotroanay ny Rany, no hanadiovan'ny Tenany ny tenanay feno fahotana, sy

hanasan'ny Rany soa indrindra ny Fanahinay, hitoeranay mandrakariva ao Aminy, ary Izy ato anatinay. Amena.

Eveka/Presbytera: NY fanomezan'Andriamanitra dia ho an'ny vahoakan'Andriamanitra

Na

Eveka/Presbytera: Indro ny Zanak'Ondrin'Andriamanitra, Indro Ilay manaisotra ny fahotan'izao tontolo izao.

Ny Rehetra: Tompoko ô tsy mendrika hidiranao ao ambany tafo-tranoko aho fa mitenena ihany fa ho sitrana ny fanahiko(3x).

Ny Rehetra:

Zanak'Ondrin' Andriamanitra ô, izay manaisotra ny fahotan'izao tontolo izao, mamindra fo aminay.

Zanak'Ondrin'Andriamanitra ô, izay manaisotra ny fahotan'izao tontolo izao, mamindra fo aminay.

Zanak'Ondrin'Andriamanitra ô, izay manaisotra ny fahotan'izao tontolo izao, omeo anay ny fiadananao.

(Amin'ny fanolorana izany amin'ny olona tsirairay dia hanao hoe:)

Eveka/Presbytera: Ny Tenan'i Kristy.

Ny Mpandray: Amena.

Ny Mpitondra ny Kapoaka: Ny Ràn'i Kristy.

Ny Mpandray: Amena.

NY FAMARANANA

34. Eveka/Presbytera: Tompo ô! aoka ho raisinay amim-pahadiovam-panahy izay vao nohaninay; ka hanjary fanafody fanasitranana ho amin'ny fiainana mandrakizay ny fanomezana natolotra anay androany.

Na

Tompo ô! aoka anie haharitra ato am-ponay ny Tenanao sy ny Ranao. Efa nohatan-jahin'ny Sakramentanao Masina izahay; ka aoka tsy hisy tavela ato anatinay izay pentipentina avy amin'ny fahotana.

Sy

Misaora ny Tompo fa tsara Izy

Ny Rehetra: Mandrakizay ny famindrampony.

Ny Rehetra: ANDRIAMANITRA Tsitoha ô, misaotra Anao izahay fa Ianao efa nama-hana anay, ny Tena sy ny Ran'i Jesoa Kristy Tomponay. Atolotray Anao amin'ny alalany ny sainay sy ny fanahinay ary ny tenanay ho fanatitra velona. Iraho amin'ny herin'ny Fanahinao izahay mba hiaina sy hiasa, ho lazanao sy voninahitrao. Amena

Na

ANDRIAMANITRA Tsitoha sy Mandrakizay ô! misaotra Anao izahay ; izay efa nandray araka izay mety ity Sakramenta Masina ity , fa efa sitrakao ny hamahana anay ny hanim-panahy ; dia ny tenan'i Jesoa Kristy zanakao Mpamonjy anay sy ny Rany soa indrindra ; ka mampahatoky anay amin'izany ny fitiavanao anay sy ny fahatsaranao lehibe ary ny fanaovanao anay ho sampana velona momba ny Tenan'ny zanakao izay fiombonan'ny mino sy ho mpandova araka ny fanantennana ny fanjakanao mandrakizay noho ny nijalian'ny Zanakao malala sy ny Nahafatesany Soa indrindra . Ary mangataka aminao amim-panetren-tena izahay Ray any an-danitra ô, hanampy anay amin'ny fahasoavanao mba haharetanay amin'izany fiombonana masina izany, ka hahefanay izay asa tsara rehetra noka-sainao hataonay, amin'ny alalan'i Jesoa Kristy Tomponay , izay omem-boninahitra sy laza miaraka Aminao sy ny Fanahy Masina mandrakizay mandrakizay . Amena

35. TSO-DRANO

Eveka/Presbytera: Homba anareo anie ny Tompo

Ny Rehetra: Ary homba ny Fanahinao

Eveka/Presbytera: Ny fiadanan'Andriamanitra izay mihoatra noho ny fahalalana rehetra, hiaro ny fonareo sy ny hevitrareo anie ao amin'ny fahendrena sy fitiavana an'Andriamanitra sy Jesoa Kristy Tompontosika. (Fil.4,7)

Na

Hampampiratra ny tavany aminareo anie ny Tompo ka hamindra fo aminareo; hanandratra ny tavany aminareo anie ny Tompo ka hanome anareo ny fiadanana. (Nom.6,24)

Sy

ARY ny fitahian'Andriamanitra Tsitoha, Ray sy Zanaka ary ny Fanahy Masina , ho aminareo anie, ary hitoetra aminareo mandrakariva.

Ny Rehetra: Amena.

36. FANIRAHANA

a) Ministera: Mandehana amin'ny fiadanana ary manompoa ny Tompo.

Ny Rehetra: Amin'ny anaran'i Kristy. Amen

Na

b) Ministera: Koa mandehana ianareo ataovy mpianatra ny firenena rehetra (Mat. 28, 19-20)

Ny Rehetra: Inty aho, iraho aho.

Na

c) Ministera: Mandehana any amin'izao tontolo izao ianareo ka mitoria ny Filazantsara amin'ny olombelona rehetra. (Marka 16, 15)

Ny Rehetra: Andao isika hitombo, handroso ao amin'i Kristy.

(Azo ampiasaina ireto teny manaraka ireto)

(Amin'ny PASKA)

d) Ministera: Efa nitsangana Izy. Haleloia! Haleloia! Haleloia!

Ny Rehetra: Efa nitsangana marina tokoa ny Tompo. Haleloia! Haleloia! Haleloia!

Na

e) Ministera: Velona ny Tompo! Haleloia! Haleloia! Haleloia!

Ny Rehetra: Velona marina tokoa Izy Haleloia! Haleloia! Haleloia!

i. (Amin'ny Krismasy)

f) Eveka/Presbytera: Mpamonjy no teraka ho antsika Haleloia! Haleloia! Haleloia

Ny Rehetra: Amintsika Andriamanitra Haleloia! Haleloia! Haleloia!

Na

g) Eveka/Presbytera: Zaza no teraka ho antsika. Haleloia! Haleloia! Haleloia!

Ny Rehetra: Zalahy no nomeny antsika. Haleloia! Haleloia! Haleloia!

(Amin'ny Pentekosta)

h) Eveka/Presbytera: Raiso ny Fanahy Masina

Ny Rehetra: Isaorana anie ny Tompo

Na

i) Eveka/Presbytera: Hoy ny Tompo, «Handrotsaka ny Fanahiko amin'ny nofo rehetra Aho »

Ny Rehetra: Aoka anie ho tonga aminay araka ny Teninao

37. FILAZAN-DRAHARAHAN

38. HIRA FAMARANANA